

文選正文

山子點

三

~ 16
3162
3



16
3162
3

文選正文卷之三

賦類

登樓賦

王粲

登茲樓以四望兮。聊暇日以消憂。覽斯宇之所處兮。實顯敞而寡仇。挾清漳之通浦兮。倚曲沮之長洲。背墳衍之廣陸兮。臨臯隰之沃流。北彌陶牧。西接昭丘。華實蔽野。黍稷盈疇。雖信美而非吾土兮。曾何足以少留。遭紛濁而遷逝兮。漫踰紀以迄今。情眷眷而懷歸兮。孰憂思之可任。憑軒檻以遙望兮。向北風而開襟。平原遠而極目兮。蔽荆山之高岑。路逶迤而修迥兮。川旣漾而濟深。悲舊鄉之壅隔兮。涕橫墜而弗禁。昔尼父之在陳兮。有歸歎之歎音。鍾儀幽而楚奏兮。莊舄顯而

越吟人情同於懷土。今豈窮途而異心。惟日月之逾邁兮。俟河清其未極。與王道之一平兮。假高衢而騁力。懼匏瓜之徒懸兮。畏井渫之莫食。步棲遲以徙倚兮。白日忽其將匿。風蕭瑟而並興兮。天慘慘而無色。獸狂顧以求羣兮。鳥相鳴而舉翼。原野閭其無人兮。征夫行而未息。心悽愴以感發兮。意怊怛而惻惻。循階除而下降兮。氣交憤於胷臆。夜參半而不寐兮。悵盤桓以反側。

遊天台山賦

并序

孫綽

天台山者。蓋山嶽之神秀也。涉海則有方丈蓬萊。登陸則有四明天台。皆玄聖之所遊化。靈仙之所窟宅。夫其峻極之狀。嘉祥之美。窮山海之瓌富。盡人神之壯麗矣。所以不列於五

嶽。闕載於常典者。豈不以所立冥奧。其路幽迴。或倒景於重溟。或匿峰於千嶺。始經魍魅之塗。卒踐無人之境。舉世罕能登陟。王者莫由禪祀。故事絕於常篇。名標於奇紀。然圖像之興。豈虛也哉。非夫遺世翫道。絕粒茹芝者。烏能輕舉而宅之。非夫遠寄冥搜。篤信通神者。何肯遙想而存之。余所以馳神運思。晝詠宵興。俛仰之間。若已再升者也。方解纓絡。永託茲嶺。不任吟想之至。聊奮藻以散懷。

太虛遼廓而無閔。運自然之妙有。融而爲川。瀆結而爲山阜。嗟台嶽之所奇挺。實神明之所扶持。蔭牛宿以曜峯。託靈越以正基。結根彌於華岱。直指高於九疑。應配天於唐典。齊峻極於周詩。邈彼絕域。幽邃窈窕。近智者以守見。而不之之者。

以路絕而莫曉。晒夏蟲之疑冰。整輕翻而思矯。理無隱而不彰。啓二奇以示兆。赤城霞起。以建標。瀑布飛流。以界道。覩靈驗而遂徂。忽乎吾之將行。仍羽人於丹丘。尋不死之福庭。苟台嶺之可攀。亦何羨於層城。釋域中之常戀。暢超然之高情。被毛褐之森森。振金策之鈴鈴。披荒榛之蒙龍。陟峭嶒之崢嶸。濟猶溪而直進。落五界而迅征。跨穹隆之懸磴。臨萬丈之絕冥。踐莓苔之滑石。搏壁立之翠屏。攬樛木之長蘿。援葛藟之飛莖。雖一具於垂堂。乃永存乎長生。必契誠於幽昧。履重險而逾平。既克濟於九折。路威夷而脩通。恣心目之寥朗。任緩步之從容。藉萋萋之織草。蔭落落之長松。覩翔鸞之裔裔。聽鳴鳳之嗶嗶。過靈溪而一濯。疏煩想於心骨。蕩遺塵於旋

流。發五蓋之遊蒙。追羲農之絕軌。躡二老之玄蹤。陟降信宿。迄于仙都。雙闕雲竦。以夾路。瓊臺中天。而懸居。朱閣玲瓏。於林間。玉堂蔭映。於高隅。彤雲斐斐。以翼樞。皦日炯晃。於綺疏。八桂森挺。以凌霜。五芝含秀。而晨敷。惠風佇芳。於陽林。醴泉涌溜。於陰渠。建木滅景。於千尋。琪樹璀璨。而垂珠。王喬控鶴。以冲天。應真飛錫。以躡虛。騁神變之揮霍。忽出有而入。無於是遊覽。既周體。靜心閒。害馬已去。世事都捐。投刃皆虛。目牛無全疑。思幽巖。朗詠長川。爾乃羲和亭午。遊氣高寒。法鼓琅以振響。衆香馥以揚烟。肆覲天宗。爰集通仙。挹以玄玉之膏。漱以華池之泉。散以象外之說。暢以無生之篇。悟遺有之不盡。覺涉無之有。間泯色空。以合跡。忽卽有而得玄。釋二名之

同出消一無於三幡恣語樂以終日等寂默於不言渾萬象以冥觀兀同體於自然

蕪城賦

鮑昭

瀟湘平原南馳蒼梧漲海北走紫塞鴈門施以漕渠軸以崑岡重江複關之隩四會五達之莊當昔全盛之時車挂轆人駕肩塵閉撲地歌吹沸天萃貨鹽田鎗利銅山才力雄富士馬精妍故能修秦法佚周令劃崇墉列濬洫圖脩世以休命是以板築雉堞之殷井幹烽櫓之勤格高五嶽袤廣三墳崕若斷岸轟似長雲製磁石以禦衝糊積壤以飛文觀基扃之固護將萬祀而一君出入三代五百餘載竟瓜剖而豆分澤葵依井荒葛冒塗壇羅虺壑階闕磨臚木魅山鬼野鼠城狐

風嘯雨嘯昏見晨趨饑鷹厲吻寒鴟嚇雛伏蹏藏虎乳血餐膺崩榛塞路崢嶸古墟白楊早落塞草前衰稜稜霜氣款款風威孤蓬自振驚砂坐飛灌莽杳而無際叢薄紛其相依通池既已夷峻隅又以頽直視千里外唯見起黃埃凝思寂聽心傷已摧若夫藻扃黼帳歌堂舞閣之基璇淵碧樹弋林釣渚之館吳蔡齊秦之聲魚龍爵馬之玩皆薰歇燼滅光沈響絕東都妙姬南國麗人蕙心絳質玉貌絳唇莫不埋魂幽石委骨窮塵豈憶同輦之愉樂離宮之苦辛哉天道如何吞恨者多抽琴命操爲蕪城之歌歌曰邊風急兮城上寒井徑滅兮丘隴殘千齡兮萬代共盡兮何言

魯靈光殿賦 并序

王延壽

魯靈光殿者蓋景帝程姬之子恭王餘之所立也初恭王始都下國好治宮室遂因魯僖基兆而營焉遭漢中微盜賊奔突自西京未央建章之殿皆見隳壞而靈光歸然獨存意者豈非神明依憑支持以保漢室者也然其規矩制度上應星宿亦所以永安也予客自南鄙觀藝於魯覩斯而貽曰嗟乎詩人之興感物而作故奚斯頌僖歌其路寢而功績存乎辭德音昭乎聲物以賦顯事以頌宣匪賦匪頌將何述焉遂作賦曰

粵若稽古帝漢祖宗濬哲欽明殷五代之純熙紹伊唐之炎精荷天衢以元亨廓宇宙而作京敷皇極以創業協神道而太寧於是百姓昭明九族敦序乃命孝孫俾侯于魯錫介珪

以作瑞宅附庸而開宇乃立靈光之秘殿配紫微而爲輔承明堂於少陽昭列顯於奎之分野瞻彼靈光之爲狀也則嗟峨崑崙危巍嶻嶭吁可畏乎其駭人也迢嶢侗儻豐麗博敞洞軫軻兮其無垠也邈希世而特出羗環譎而鴻紛屹山峙以紆鬱隆岬吻乎青雲鬱坎北以增屹崩縉綾而龍鱗汨磴磴以璀璨赫燁燁而爛坤狀若積石之鏘鏘又似乎帝室之威神崇墉岡連以嶺屬朱闕巖巖而雙立高門擬于閭闔方二軌而並入於是乎乃歷夫太階以造其堂俯仰顧眄東西周章彤彩之飾徒何爲乎滟滟泔泔流離爛熳皓壁皜曜以月照丹柱欵施而電燧霞駸雲蔚若陰若陽濯濩燐亂燁燁煌煌隱陰夏以中處濇寥竊以崢嶸鴻煢煗以燻閭颺蕭條

而清冷動滴瀝以成響殷雷應其若驚耳嘈嘈以失聽目矍矍而喪精駢密石與琅玕齊玉璫與璧英遂排金屏而北入宵藹藹而晡曖旋室嬈媚以窈窕洞房叫窸而幽邃西廂踟躕以閑宴東序重深而奧祕屹睥睨以勿罔屑壓翳以懿漭竟悚悚其驚斯心猊猊而發悸於是詳察其棟宇觀其結構規矩應天上憲資陬侃侃雲起嶽峯離樓三間四表八維九隅萬楹叢倚磊砢相扶浮柱昭帶以星懸漂嶢峴而枝柱飛梁偃蹇以虹指揭遽遽而騰湊層檻礫危以岌峩曲枅要絡而環勾芝栴攢羅以戢香枝掌扞扞而斜據倚天嶠以橫出互黝糾而搏負下弗蔚以躡錯上崎嶇而重注捷獵鱗集支離分赴縱橫駱驛各有所趣爾乃懸棟結阿天窓綺踈圓淵

方井反植荷渠發秀吐榮茵苜披敷綠房紫葍宿窳垂珠雲綵藻稅龍栢彫鏤飛禽走獸因木生姿奔虎攫拏以梁倚仉奮豐而軒髻虬龍騰驤以蜿螭領若動而夔踈朱鳥舒翼以峙衡騰地蟻蚘而遠攘白鹿孳蛻於樽櫨蟠螭宛轉而承楮狡兔踈伏於柎側狡狴攀椽而相追玄熊岫蛺以斷斷却負戴而躡蹠齊首日以瞪眙徒脈脈而行狝胡人遙集於上楹儼雅踈而相對仡欺猊以鵬耽頤頤而睽睽狀若悲愁於危處憺頰蹙而含悴神仙岳岳於棟間玉女闕窓而下視忽矚眇以響像若鬼神之髣髴圖畫天地品類羣生雜物奇怪山神海靈寫載其狀託之丹青千變萬化事各繆形隨色象類曲得其情上紀開闢遂古之初五龍比翼人皇九頭伏羲

鱗身女媧蛇軀鴻荒樸畧厥狀睚眦燠炳可觀黃帝唐虞軒
冕以庸衣裳有殊下及三后淫妃亂主忠臣孝子烈士貞女
賢愚成敗靡不載敘惡以誠世善以示後於是乎連閣承宮
馳道周環陽榭外望高樓飛觀長塗升降軒檻曼延漸臺臨
池層曲九成屹然特立的爾殊形高徑華蓋仰看天庭飛陛
揭孽緣雲上征中坐垂景頽視流星千門相似萬戶如一巖
突洞出逶迤詰屈周行數里仰不見日何宏麗之靡靡咨用
力之妙勤非夫通神之俊才誰能尅成乎此勳據坤靈之寶
勢承蒼昊之純殷包陰陽之變化含元氣之烟燼玄醴騰涌
於陰溝甘露被宇而下臻朱桂黝儵於南北蘭芝婀娜於東
西祥風翕習以颯灑激芳香而常芬神靈扶其棟宇歷千載
而彌堅永安寧以祉福長與大漢而久存實至尊之所御保
延壽而父子孫苟可貴其若斯孰亦有云而不珍亂曰彤彤
靈宮歸竦穹崇紛厖鴻兮崩勞嶷嶷岑峯留巖駢龍從兮連
拳偃蹇崱嶇踳踳傍欹傾兮歇欻幽靄雲覆霽洞杳冥兮
葱翠紫蔚礧礧瑰瑋含光晷兮窮奇極妙棟宇已來未之有
兮神之營之瑞我漢室永不朽兮

景福殿賦

何晏

大哉惟魏世有哲聖武創元基文集大命皆體天作制順時
立政至于帝皇遂重熙而累盛遠則襲陰陽之自然近則本
人物之至情上則崇稽古之弘道下則闡長世之善經庶事
既康天秩孔明故載祀一三而國富刑清歲二月東巡狩至

於許昌望祠山川考時度方存問高年率民耕桑越六月既望林鍾紀律大火昏正桑梓繁蕪大雨時行三事九司宏儒碩生相與感乎溽暑之伊鬱而慮性命之所平惟岷越之不靜寤征行之未寧乃昌言曰昔在蕭公暨于孫卿皆先識博覽明允篤誠莫不以爲不壯不麗不足以一民而重威靈不飾不美不足以訓後而示厥成故當時享其功利後世賴其英聲且許昌者乃大運之攸戾圖識之所旌苟德義其如斯夫何宮室之勿營帝曰俞哉玄輅旣駕輕裘斯御乃命有司禮儀是具審量日力詳度費務鳩經始之黎民輯農功之暇豫因東師之獻捷就海孽之賄賂立景福之秘殿備皇居之制度爾乃豐層覆之耽耽建高基之堂堂羅疏柱之汨越肅

坻鄂之鏘鏘飛欄翼以軒翥反宇轍以高驥流羽毛之歲裝垂環玼之琳琅參旗九旒從風飄揚皓皓盱盱丹彩煌煌故其華表則鎬鎬鏘鏘赫奕章灼若日月之麗天也其奧秘則翳蔽曖昧髣髴退概若幽星之纏連也旣櫛比而攢集又宏璉以豐敞兼苞博落不常一象遠而望之若摘朱霞而耀天文迫而察之若仰崇山而戴垂雲差瓌瑋以壯麗紛彘彘其難分此其大較也若乃高覺崔嵬飛宇承霓懸蠻黠壽隨雲融泄鳥企山峙若翔若滯峨峨嶻嶻罔識所屆雖離朱之至精猶眩曜而不能昭晰也爾乃開南端之豁途張筍虡之輪幽華鍾杙其高懸悍獸仡以儼陳體洪剛之猛毅聲訇礮其若震爰有遐狄鏘質輪茵坐高門之側堂彰聖主之威神芸

若克庭槐楓被宸綬以萬年綵以紫榛或以嘉名取寵或以
美材見珍結實商秋敷華青春藹藹萋萋馥馥芬芬爾其結
構則脩梁彩制下褰上奇桁栝複疊勢合形離施如宛虹赫
如奔螭南岫陽榮北極幽崖任重道遠厥庸孔多於是列鬆
形之繡栢垂琬琰之文璫蠓若神龍之登降灼若明月之流
光爰有禁楸勒分翼張承以陽馬接以圓方與間賦白疎密
有章飛柳鳥踊雙轅是荷赴險凌虛獵捷相和皎皎白間離
離列錢晨光內照流景外燧烈若鉤星在漢渙若雲梁承天
駟徙增錯轉縣成郭茄密倒植吐被芙蓉綠以藻井編以絳
疏紅葩鞞鞞丹綺離婁茵苔艷翕纖縟紛敷繁飾累巧不可
勝書於是蘭栢積重窈數矩設檝櫨各落以相承欒棋天蟠

而交結金楹齊列玉鳥承跋青瓊銀鋪是爲闔闔雙枚旣脩
重桴乃飾槐栢緣邊周流四極侯禱之班藩服之職溫房承
其東序涼室處其西偏開建陽則朱炎豔啓金光則清風縈
故冬不淒寒夏無炎燁鈞調中適可以永年墉垣礪基其光
照照周制白盛今也維縹落帶金鉏此焉一等明珠翠羽往
往而在欽先王之允塞悅重華之無爲命其工使作續明五
采之彰施圖象古昔以當箴規椒房之列是隼是儀觀虞姬
之容止知治國之佞臣見姜后之解佩寤前世之所遵賢鍾
離之讜言懿楚樊之退身嘉班妾之辭輦偉孟母之擇隣故
將廣智必先多聞多聞多雜多雜眩真不眩焉在在乎擇人
故將立德必先近仁欲此禮之不魯是以盡乎行道之先民

朝觀夕覽何與書紳若乃階除連延蕭曼雲征樛檻邛張鉤
 錯矩成楯類騰蛇摺似瓊英如嶠之蟠如虬之停玄軒交登
 光藻昭明騶虞承獻素質仁形彰天瑞之休顯照遠戎之來
 庭陰堂承北方軒九戶右个清宴東西其宇連以永寧安昌
 臨圃遂及百子後宮攸處處之斯何窈窕淑女思齊徽音聿
 求多祐其祐伊何宜爾孫子克明克哲克聰克敏永錫難老
 兆民賴止於南則有承光前殿賦政之宮納賢用能詢道求
 中疆理宇宙甄陶國風雲行雨施品物咸融其西則有左城
 右平講肄之場二六對陳殿翼相當僻脫承便益象戎兵察
 解言歸警諸政刑將以行令豈惟娛情鎮以崇臺實曰永始
 覆閣重闈猖狂是俟京庾之儲無物不有不虞之戒於是焉

取爾乃建凌雲之層盤浚虞淵之靈沼清露瀼瀼淥水浩浩
 樹以嘉木植以芳草悠悠玄魚睢睢白鳥沈浮翱翔樂我皇
 道若乃虬龍灌注溝洫交流陸設殿館水方輕舟篁樓鵲
 鷺瀨戲鯁鮒豐侔淮海富賦山丘叢集委積焉可殫籌雖咸
 池之壯觀夫何足以比儔於是揭以高昌崇觀表以建城峻
 廬峒巖崑崙立崔嵬巒居飛閣干雲浮階乘虛遙目九野遠覽
 長圖俯看三市孰有誰無覩農人之耘耔亮稼穡之艱難惟
 饗年之豐寡思無逸之所歎感物衆而思深因居高而慮危
 惟天德之不易懼世俗之難知觀器械之良窳察俗化之誠
 偽瞻貴賤之所在悟政刑之夷陂亦所以省風助教豈惟盤
 樂而崇侈靡屯方列署三十有二星居宿陳綺錯鱗比辛壬

癸甲爲之名秩。房室齊均。堂庭如一。出此入彼。欲反忘術。惟
工匠之多端。固萬變之不窮。物無難而不知。乃與造化乎比。
隆。讐天地以開基。並列宿而作制。制無細而不協。於規景作
無微而或違。於水臬故其增構。如積植木如林。區連域絕。葉
比枝分離。背別趣。駢田胥附。縱橫踰延。各有攸注。公輸荒其
規矩。匠石不知其所斷。既窮巧於規摹。何彩章之未殫。爾乃
文以朱綠飾。以碧丹點。以銀黃燦。以琅玕光明。熠燿文彩。璘
璒清風萃而成響。朝日曜而增鮮。雖崑崙之靈宮。將何以乎。
侈旃。規矩既應乎天地。舉措又順乎四時。是以六合元亨。九
有雍熙。家懷克讓之風。人詠康哉之詩。莫不優游以自得。故
淡泊而無所思。歷列辟而論功。無今日之至治。彼吳蜀之溼

滅固可翹足而待之。然而聖上猶孜孜靡忒。求天下之所以
自悟。招忠正之士。開公直之路。想周公之昔戒。慕咎繇之典
謨。除無用之官。省生事之故。絕流遁之繁禮。反人情之太素。
故能翔岐陽之鳴鳳。納虞氏之白環。蒼龍覲於陂塘。龜書出
於河源。醴泉涌於池圃。靈芝生於丘園。總神靈之既祐。集華
夏之至歡。方四三皇而六五帝。會何周夏之足言。

海賦

木華

昔在帝媯。巨唐之世。天網淳滂。爲洞爲察。洪濤瀾汗。萬里無
際。長波浴池。地延八裔。於是乎禹也。乃鑿臨崖之阜。陸決陂
潢。而相浹。啓龍門之峯。嶺墜陵巒。而斬鑿羣山。既畧百川。潛
滌決濟。澹泞騰傾。赴勢江河。既導萬穴。俱流。擗拔五嶽。竭

九州瀝滴滲淫蒼蔚雲霧消流決瀼莫不來注於廓靈海長
為委輸其為廣也其為怪也宜其為大也爾其為狀也則乃
激洩激灑浮天無岸冲融沆瀣渺瀰淡漫波如連山乍合乍
散嘘喻百川洗滌淮漢襄陵廣鳥膠葛浩汗若乃大明撫轡
於金樞之穴翔陽逸駭於扶桑之津影沙碧石蕩颺島濱於
是鼓怒溢浪揚浮更相觸搏飛沫起濤狀如天輪膠反而激
轉又似地軸挺拔而爭迴岑嶺飛騰而反覆五岳鼓舞而相
颺涓瀆淪而瀟灑鬱沍迭而隆頽盤盪激而成窟湧湍滌而
為魁涸泊拍而進颺磊磊旬旬而相逐驚浪雷奔駭水迸集開
合解會滾滾濕濕葩華敗沮頽潭滌滌若乃靈壺潛銷莫振
莫竦輕塵不飛纖蘿不動猶尚呀呷餘波獨湧澎澎瀾瀾碾碾

磊山壘爾其枝岐潭淪渤蕩成池垂巒隔夷迥亙萬里若乃
偏荒速告王命急宣飛駿鼓楫汎海凌山於是候勁風揭百
尺維長綯挂帆席望濤遠決罔然鳥逝鷗如驚鳧之失侶倏
如六龍之所擊一越三千不終朝而濟所屆若其負穢臨深
虛誓愆祈則有海童邀路馬銜當蹊天吳乍見而鬚鬣蜩像
暫曉而閃屍羣妖邁在眇睨冷夷決帆摧撞戕風起惡廓如
靈變惚恍幽暮氣似天霄鬣鬣雲布靄靄絕電白色妖露呵
嗽掩鬱曠睽無度飛滂相礮激勢相沓崩雲屑雨滋滋汨汨
跳踔湛灤沸潰滄溢灌泝濶濶蕩雲沃日於是舟人漁子徂
南極東或屑沒於鼉鼉之穴或挂胷於岑嶽之峰或掣掣洩
洩於裸人之國或汎汎悠悠於黑齒之邦或乃萍流而浮轉

或因歸風以自反。徒識觀怪之多。駭乃不悟。所歷之近遠。爾其大量也。則南漁朱崖。北漚天墟。東演析木。西薄青徐。經途瀾濱。萬萬有餘。吐雲霓。含龍魚。隱鯢鱗。潛靈居。豈徒積太顛之寶貝。與隨侯之明珠。將世之所收者。常聞所未名者。若無且希世之所聞。惡審其名。故可仿像其色。鑿鑿其形。爾其水府之內。極深之庭。則有崇島巨壑。峯峴孤亭。擘洪波。指太清。竭磐石。棲百靈。颺凱風。而南逝。廣莫至。而北征。其垠則有天琛水怪。鮫人之室。瑕石詭暉。鱗甲異質。若乃雲錦散文於沙汭之際。綾羅被光於螺蚌之節。繁采揚華。萬色隱鮮。陽冰不沿。陰火潛然。熇炭重燔。吹燭九泉。朱燉綠煙。曖眇蟬蛸魚則橫海之鯨。突抗孤遊。曼巖嶽。偃高濤。茹鱗甲。吞龍舟。翕波則洪連踳踳。吹澇則百川倒流。或乃踳踳窮波。陸死鹽田。巨鱗插雲。鬣鬣刺天。顛骨成獄。流膏爲淵。若乃巖坻之隈。沙石之歛。毛翼產殼。剖卵成禽。鳧雛離襍。鶴子淋滲。羣飛侶浴。戲廣浮深。翔鶩連軒。洩洩淫淫。翻動成雷。擾翰爲林。更相叫嘯。詭色殊音。若乃三光旣清。天地融朗。不汎陽侯。乘躋絕往。覲安期於蓬萊。見喬山之帝像。羣仙縹眇。餐玉清淮。履阜鄉之畝。鳥被羽翮之穆。襪翔天沼。戲窮溟。甄有形於無欲。永悠悠以長生。且其爲器也。包乾之奧。括坤之區。惟神是宅。亦祇是廬。何奇不有。何怪不儲。茫茫積流。含形內虛。曠哉坎德。卑以自居。弘往納來。以宗以都。品物類生。何有何無。

江賦

郭璞

若天開觸曲崖以縈繞駭崩浪而相礪鼓唇窟以淵激乃溢湧而駕隈魚則江豚海狝叔鮪王鱣鯨鯨鯨鮪鮪鯨鯨鯨或鹿筋象鼻或虎狀龍顏鱗甲錯錯煥爛錦斑揚鬣掉尾噴浪飛颺排流呼哈隨波遊延或曝采以晃淵或嚇鯉乎巖間介鯨乘濤以出入鰓鮪順時而往還爾其水物怪錯則有潛鵠魚牛虎蛟鈎蛇輪轉蠹蝟鱗鼈鼉龍玉玠海月土肉石華三蠖蚌江鸚螺蛟蝸璅蛭腹蟹水母日蝦紫虻如渠洪蚶專車瓊蚌晞曜以瑩珠石蚌應節而揚葩蛭蠕森衰以垂翹玄螭磈礫而碾啞或泛激於潮波或混淪乎泥沙若乃龍鯉一角奇鷄九頭有鼈三足有龜六眸積螿呀躍而吐瓊文鯉磬鳴以孕瓊條蜻拂翼而掣耀神蜈蠃輪以沈遊駢馬騰波以噓

蹠水兕雷咆乎陽侯洲客築室於巖底鮫人構館於懸流電布餘糧星離沙鏡青綸競糾縹組爭映紫葉焚擘以叢被綠苔鬖鬖乎研上石帆蒙龍以蓋喚萍實時出而漂泳其下則金礦丹礫雲精燭銀瑒瓊瑰水碧潛碧鳴石列於陽渚浮磬肆乎陰濱或頰彩輕連或焰曜涯鄰林無不溥岸無不津其羽族也則有晨鷓天雞鷓鷯鷓陽鳥爰翔于以玄月千類萬聲自相喧聒濯翻疏風鼓翅翩翩揮弄灑珠拊拂瀑沫集若霞布散如雲縠產能積羽往來勃礪樨杞橫薄於溥浹枒槩森嶺而羅峰桃枝篔簹實繁有叢葭蒲雲蔓櫻以蘭紅揚暘眊擢紫茸蔭潭隩被長江繁蔚芳薜隱藹水松涯灌芊策潛蒼葱龍鮫鮭踦踞於垠隙獫狽睽睽乎廢空迅雌臨虛

以騁巧孤攫登危而雍容夔特翹陸於夕陽駕維弄翻乎山
東因岐成渚觸澗開渠漱壑生浦區別作湖澄之以縈瀟滌
之以尾間標之以翠翳泛之以遊菰播匪藝之芒種挺自然
之嘉蔬鱗被菱荷攢布水葦翹莖藻濯穎散裹隨風猗萎
與波潭池流光潛映景炎霞火其旁則有雲夢雷池彭蠡青
草具區洮漏珠滢丹灤極望數百沈澆晶熒爰有包山洞庭
巴陵地道潛達旁通幽岫窈窕金精玉英瑱其裏瑤珠怪石
絳其表驪蚪樛其址梢雲冠其嶸海童之所巡遊琴高之所
靈矯冰夷倚浪以傲睨江如含嚙而矚眇撫凌波而鳧躍吸
翠霞而天矯若乃宇宙澄寂八風不翔舟子於是搦棹涉人
於是搦榜漂飛雲運舩舳舻相屬萬里連檣沂泗公流或

漁或商赴交益投幽浪竭南極窮東荒爾乃緒霧侵於清旭
規五兩之動靜長風鱗以增扇廣莫颺而氣整徐而不驟疾
而不猛鼓帆迅越起漲截河凌波縱施電往杳溟靄如晨霞
孤征眇若雲翼絕嶺倏忽數百千里俄頃飛廉無以晞其蹤
渠黃不能企其景於是蘆人漁子擗落江山衣則羽褐食則
蔬鱸柈澱爲泔夾激羅笮筒漉連鋒罾罾比船或揮輪於懸
崎或中瀨而橫旋忽忘夕而宵歸詠採菱以叩舷傲自足於
一軀尋風波以窮年爾乃域之以盤巖豁之以洞壑疏之以
池汜鼓之以朝夕川流之所歸湊雲霧之所蒸液珍怪之所
化產瑰奇之所窟宅納隱淪之列真挺異人乎精魄播靈潤
於千里越岱宗之觸石及其譎變儵恍符祥非一動應無方

感事而出經紀天地錯綜人術妙不可盡之於言事不可窮之於筆若乃岷精垂曜於東井陽侯遞形乎大波奇相得道而宅神乃協靈爽於湘娥駭黃龍之負舟識伯禹之仰嗟壯荆飛之擒蛟終成氣乎太阿悍要離之圖慶在中流而推戈悲靈均之任石歎漁父之權歌想周穆之濟師驅八駿於龍鼉感交甫之喪珮慙神使之嬰羅煥大塊之流形混萬盡於一科保不虧而永固稟元氣於靈和考川瀆之妙觀實莫著於江河

風賦

宋玉

楚襄王遊於蘭臺之宮宋玉景差侍有風颯然而至王乃披襟而當之曰快哉此風寡人所與庶人共者邪宋玉對曰此獨大王之風耳庶人安得而共之王曰夫風者天地之氣溥暢而至不擇貴賤高下而加焉今子獨以爲寡人之風豈有說乎宋玉對曰臣聞於師枳句來巢空穴來風其所託者然則風氣殊焉王曰夫風始安生哉宋玉對曰夫風生於地起於青蘋之末侵淫谿谷盛怒於土囊之口緣太山之阿舞於松柏之下飄忽溟渤激颺燦怒耿耿雷聲迴穴錯連厯石伐木梢殺林莽至其將衰也被麗披離衝孔動捷响渙燦爛離散轉移故其清涼雄風則飄舉升降乘凌高城入于深宮邸翠葉而振氣徘徊於桂椒之間翩翩於激水之上將擊芙蓉之精獵蕙草離秦蘅槩新夷被稊楊迴穴衡陵蕭條衆芳然後倘佯中庭北上玉堂躋于羅帷經于洞房迺得爲大王之

風也。故其風中人，狀直憊憊，慄慄，清涼增歎，清冷愈病。析醒發明耳目，寧體使人。此所謂大王之雄風也。王曰：善哉！論事夫庶人之風，豈可聞乎？宋玉對曰：夫庶人之風，塢然起於窮巷之間，城堞揚塵，勃鬱煩冤，衝孔襲門，動沙堞，吹死灰，駭溷濁，揚腐餘，邪薄入甕牖，至於室廬，故其風中人，狀直憊溷鬱邑，毆溫致溼，中心慘怛，生病造熱，中脣為彫，得目為曠，啗齟嗽獲，死生不卒。此所謂庶人之雌風也。

秋興賦 并序

潘岳

晉十有四年，余春秋三十有二，始見一毛。以太尉掾兼虎賁中郎將，寓直于散騎之省，高閣連雲，陽景罕曜，珥蟬冕而襲絺綺之士，此焉遊處。僕野人也，偃息不過茅屋茂林之下，談

話不過農夫田父之客，攝官承乏，猥廁朝列，夙興晏寢，匪遑底寧。譬猶池魚籠鳥，有江湖山藪之思。於是染翰操紙，慨然而賦于時秋也。故以秋興命篇，其辭曰：

四運忽其代序兮，萬物紛以迴薄。覽花時之時育兮，察盛衰之所託。感冬索而春敷兮，嗟夏茂而秋落。雖末士之榮悴兮，伊人情之美惡。善乎宋玉之言曰：悲哉秋之爲氣也！蕭瑟兮，草木搖落而變衰；慘慄兮，若在遠行。登山臨水，送將歸夫；送歸懷慕，徒之戀兮。遠行有羈旅之憤，臨川感流以歎逝兮。登山懷遠而悼近，彼四感之疚心兮。遭一塗而難忍，嗟秋日之可哀兮。諒無愁而不盡。野有歸燕，隰有翔隼。游氛朝興，槁葉夕隕。於是乃屏輕筆，釋纖締，藉莞蒹，御袷衣。庭樹撼以灑落。

今勁風戾而吹帷，蟬嘒嘒以寒吟。今鴈飄飄而南飛，天晃朗以彌高。今日悠揚而浸微，何微陽之短晷。覺涼夜之方永，月腫隴以含光。今露淒清以凝冷，熠燿繁於階闥。今蟋蟀鳴乎軒屏，聽離鴻之晨吟。望流火之餘景，宵耿介而不寐。今獨展轉於華省，悟時歲之適盡。今慨俛首而自省，斑鬢彪以承弁。今素髮颯以垂領，仰羣儔之逸軌。今攀雲漢以遊騁，登春臺之熙熙。今珥金貂之炯炯，苟趣舍之殊途。今庸詎識其躁靜，聞至人之休風。今齊天地於一指，彼知安而忘危。今固出生而入死，行投趾於容跡。今殆不踐而獲底，闕側足以及泉。今雖猿猴而不履，龜祀骨於宗祧。今思反身於綠水，且歛衽以歸來。今忽投紱以高厲，耕東臯之沃壤。今輸黍稷之餘稅，泉

涌湍於石間。今菊揚芳乎崖澗，涼秋水之洄洄。今玩游脩之澌澌，逍遙乎山川之阿。放曠乎人間之世優，哉游哉聊以卒歲。

雪賦

謝惠連

歲將暮時，既昏寒風積，愁雲繁。梁王不悅，遊於兔園，乃置旨酒，命賓友召鄰生，延枚叟，相如末至，居客之右。俄而微霰零密，雪下。王乃歌北風於衛詩，詠南山於周雅，授簡於司馬大。夫曰：抽子秘思，騁子妍辭，侔色揣稱，爲寡人賦之。相如於是避席而起，逡巡而揖，曰：臣聞雪宮建於東國，雪山峙於西域。岐昌發詠於來思，姬滿申歌於黃竹。曹風以麻衣比色，楚謠以幽蘭儷曲。盈尺則呈瑞於豐年，表丈則表於陰德。雪之

時義遠矣哉。請言其始。若乃玄律窮嚴。氣升焦涸。湯谷凝
火。井滅溫泉。冰沸潭無。湧炎風不興。北戶墜扉。裸壤垂繒。於
是河海生雲。朔漠飛沙。連氛累霄。掩日韜霞。霰浙瀝而先集。
雪紛糅而遂多。其爲狀也。散漫交錯。氛氳蕭索。藹藹浮浮。漻
漻奕奕。聯翩飛灑。徘徊委積。始緣甍而冒棟。終開簾而入隙。
初嫵媚於墀廡。末榮盈於帷席。旣因方而爲珪。亦遇圓而成
璧。眴隰則萬頃同縞。瞻山則千巖俱白。於是臺如重壁。達似
連瑤。庭列瑤階。林挺瓊樹。皓鶴奪鮮。白鷗失素。紕袖慙冶。玉
顏掩嫵。若乃積素未虧。白日朝鮮。爛兮若燭。龍銜耀照。崑山
爾其流滴垂冰。綠雷承隅。粲兮若馮夷剖蚌。列明珠至。夫續
紛繁鷺之貌。皓汗皦潔之儀。迴散縈積之勢。飛聚凝曜之奇。

固展轉而無窮。嗟難得而備知。若乃申娛玩之無已。夜幽靜
而多懷。風觸楹而轉響。月承幌而通暉。酌湘吳之醇酎。御狐
貉之兼衣。對庭鷗之雙舞。瞻雲鴈之孤飛。折園中之萱草。披
階上之芳薇。踐霜雪之交積。憐枝葉之相違。馳遙思於千里。
願接手而同歸。鄒陽聞之。慙然心服。有懷妍唱。敬接末曲。於
是乃作而賦積雪之歌。歌曰。攜佳人兮披重幄。援綺衾兮坐
芳褥。燎薰爐兮炳明燭。酌桂酒兮揚清曲。又續而爲白雪之
歌。歌曰。曲旣揚兮酒旣陳。朱顏醜兮思自親。願低帷以昵枕。
念解珮而褫紳。怨年歲之易暮。傷後會之無因。君寧見階上
之白雪。豈鮮耀於陽春。歌卒。王乃尋繹吟詠。撫覽扼腕。顧謂
枚叔起而爲亂。亂曰。白羽雖白質以輕兮。白玉雖白空守貞。

今未若茲雪。因時興滅。玄陰凝不昧。其潔太陽曜。不固其節。節豈我名。潔豈我貞。憑雲升降。從風飄零。值物賦像。任地班形。素因遇立。污隨染成。縱心皓然。何慮何營。

月賦

謝莊

陳王初喪。應劉端憂。多暇。綠苔生閣。芳塵凝榭。悄焉疚懷。不怡中夜。乃清蘭路。肅桂苑。騰吹寒山。弭蓋秋坂。臨瀟壑而怨遙。登崇岫而傷遠。于時斜漢左界。北陸南躔。白露曖空。素月流天。沈吟齊章。殷勤陳篇。抽毫進牘。以命仲宣。仲宣跪而稱曰。臣東鄙幽介。長自丘樊。昧道懵學。孤奉明恩。臣聞沈潛。既義高明。既經日以陽德。月以陰靈。擅扶光於東沼。嗣若英於西冥。引玄克於帝臺。集素娥於后庭。朧朧警闕。朧朧魄魄。示冲順

辰通燭。從星澤風。增華台室。揚彩軒宮。委照而吳業昌。淪精而漢道融。若夫氣霽地表。雲歛天木。洞庭始波。木葉微脫。芳散芳於山椒。鴈流哀於江瀨。升清質之悠悠。降澄暉之藹藹。列宿掩綉。長河韜映。采祗雪凝。圓靈水鏡。連觀霜縞。周除冰淨。君王乃厭晨歡。樂宵宴收。妙舞弛清縣。去燭房。卽月殿。芳酒登鳴琴。薦若乃涼夜自凄。風篁成韻。親謔莫從。羈孤遞進。聆臯禽之夕聞。聽朔管之秋引。於是絃桐練響。音容選和。徘徊房露。惆悵陽阿。聲林虛籟。淪池滅波。情紆軫。其何託。想皓月而長歌。歌曰。美人邁。兮音塵闕。隔千里兮共明月。臨風歎兮將焉歇。川路長兮不可越。歌響未終。餘景就畢。滿堂變容。迴進如失。又稱歌曰。月既沒兮露欲晞。歲方晏兮無與歸。佳

期可以還微霜霑人衣陳王曰善乃命執事獻壽羞璧敬佩
王音復之無斃

鵬鳥賦 并序

賈誼

誼爲長沙王傅三年有鵬鳥飛入誼舍止於坐隅鵬似鴉不
祥鳥也誼旣以謫居長沙長沙卑濕誼自傷悼以爲壽不得
長乃爲賦以自廣其辭曰

單闕之歲兮四月孟夏庚子日斜兮鵬集余舍止於坐隅兮
貌甚閑暇異物來萃兮私怪其故發書占之兮識言其度曰
野鳥入室主人將去請問于鵬余去何之吉乎告我凶言其
災淹速之度兮語余其期鵬迺歎息舉首奮翼口不能言請
對以臆曰萬物變化兮固無休息幹流而遷兮或推而還形

氣轉續兮變化而增沕穆無窮兮胡可勝言禍兮福所倚福
兮禍所伏憂喜聚門兮吉凶同域彼吳疆大兮夫差以敗越
棲會稽兮句踐霸世斯遊遂成兮卒被五刑傳說胥靡兮乃
相武丁夫禍之與福兮何異糾纏命不可說兮孰知其極水
激則悍兮矢激則遠萬物回薄兮振盪相轉雲蒸雨降兮糾
錯相紛大鈞播物兮塊坱無垠天不可預慮兮道不可預謀
遲速有命兮焉識其時且夫天地爲鑪兮造化爲工陰陽爲
炭兮萬物爲銅合散消息兮安有常則千變萬化兮未始有
極忽然爲人兮何足控搏化爲異物兮又何足患小智自私
兮賤彼貴我達人大觀兮物無不可貪夫狃財兮烈士殉名
夸者死權兮品庶每生休迫之徒兮或趨西東大人不曲兮

意變齊同。愚士繫俗兮。窘若囚拘。至人遺物兮。獨與道俱。衆人惑惑兮。好惡積億。真人恬漠兮。獨與道息。釋智遺形兮。超然自喪。廖廓忽荒兮。與道翱翔。乘流則逝兮。得坻則止。縱軀委命兮。不私與已。其生兮若浮。其死兮若休。澹乎若深淵之靜。泛乎若不繫之舟。不以生故自責兮。養空而浮。德人無累兮。知命不憂。細故蒂芥兮。何足以疑。

鸚鵡賦 并序

補衡

時黃祖太子射賓客大會。有獻鸚鵡者。舉酒於衡前曰。補衡士。今日無用。娛賓竊以此鳥自遠而至。明慧聰善。羽族之可貴。願先生爲之賦。使四坐咸共榮觀。不亦可乎。衡因爲賦。筆不停綴。文不加點。其辭曰。

惟西域之靈鳥。挺自然之奇姿。體金精之妙質。含火德之明輝。性辯慧而能言兮。才聰明以識機。故其嬉遊高峻。栖峙幽深。飛不安集。翔必擇林。紺趾丹觜。綠衣翠衿。采采麗容。咬咬好音。雖同族於羽毛。固殊智而異心。配鸞皇而等美。烏比德於衆禽。於是美芳聲之遠暢。偉靈表之可嘉。命虞人於隴城。詔伯益於流沙。跨崑崙而播弋。冠雲霓而張羅。雖網維之備設。終一目之所加。且其容止閑暇。守植安停。逼之不懼。撫之不驚。寧順從以遠害。不違忤以喪生。故獻全者受賞。而傷肌者被刑。爾乃歸窮委命。離羣喪侶。閉以彫籠。翦其翅羽。流飄萬里。崎嶇重阻。踰岷越嶂。載雁寒暑。女辭家而適人。臣出身而事主。彼賢哲之逢患。猶棲遲以羈旅。矧禽鳥之微物。能馴

擾以安處。眷西路而長懷。望故鄉而延佇。村陋體之腥臊。亦何勞於鼎俎。嗟祿命之衰薄。奚遭時之險巖。豈言語以階亂。將不密以致危。痛母子之永隔。哀伉儷之生離。匪餘年之足惜。愆衆維之無知。背蠻夷之下國。侍君子之光儀。懼名實之不副。恥才能之無奇。羨西都之沃壤。識苦樂之異宜。懷代越之悠思。故每言而稱斯。若乃少昊司晨。壽收整轡。嚴霜以降。涼風蕭瑟。長吟遠慕。哀鳴感類。音聲悽以激揚。容貌慘以顛。頓聞之者。悲傷見之者。隕淚。故臣爲之屢歎。棄妻爲之歔歔。感平生之遊處。分若壘。篋之相須。何今日之兩絕。若胡越之異區。順權檻以俯仰。闕戶牖以踟躕。想崑山之高嶽。思鄧林之扶疏。顧六駟之殘毀。雖奮迅其焉。如心懷歸而弗果。徒怨庶彌久而不渝。

鷓鴣賦 并序

張華

壽於一隅。苟竭心於所事。敢背惠而忘初。託輕鄙之微命。委陋賤之薄軀。期守死以報德。甘盡辭以效愚。恃隆恩於既往。庶彌久而不渝。

鷓鴣小鳥也。生於蒿萊之間。長於藩籬之下。翔集尋常之內。而生生之理足矣。色淺體陋。不爲人用。形微處卑。物莫之害。繁滋族類。乘居匹遊。翩翩然有以自得。被鷲鷂鷓鴣孔雀。翡翠。或陵赤霄之際。或託絕垠之外。翰舉足以冲天。背距足以自衛。然皆負翬嬰繳。羽毛入貢。何者。有用於人也。夫言有淺而可以託深。類有微而可以喻大。故賦之云爾。

何造化之多端。兮播羣形於萬類。惟鷓鴣之微禽。兮亦攝生。

而受氣育翮翹之陋體兮無玄黃以自貴毛弗施於器用兮
肉不登乎俎味鷹鷂過猶俄翼兮尚何懼於罾罟繫管蒙籠
是焉遊集飛不飄颺翔不翕習其居易容其求易給巢林不
過一枝每食不過數粒栖無所滯遊無所盤匪陋荆棘匪榮
匪蘭動翼而逸投足而安委命順理與物無患伊茲禽之無
知兮何處身之似智不懷寶以質害兮不飾表以招累靜守
約而不矜動因循以簡易任自然以爲資無誘慕於世僞雕
鷗介其紫距鵠驚軼於雲際鷄雞竄於幽險孔翠生乎遐裔
彼晨鳥與歸鴈又矯翼而增逝成美羽而豐肌故無罪而皆
斃徒銜蘆以避繳終爲戮於此世蒼鷹鷲而受縲鸚鵡惠而
入籠屈猛志以服養塊幽繫於九重變音聲以順旨思摧翮

而爲庸戀鍾代岱之林野慕隴城之高松雖蒙幸於今日未若
疇昔之從容海鳥鷗鷗避風而至條枝巨雀踰嶺自致提挈
萬里飄飄逼畏夫唯體大妨物而形壞足瑋也陰陽陶蒸萬
品一區巨細舛錯種繁類殊鷦嶼巢於蚊睫大鵬彌乎天隅
將以上方不足而下比有餘普天壤以遐觀吾又安知其小
大之所如

赭白馬賦

并序

顏延之

驥不稱力馬以龍名豈不以國上威容軍馱趨迅而已實有
騰光吐圖疇德瑞聖之符焉是以誦崇其靈世榮其至我高
祖之造宋也五方率職四隩入貢秘寶盈於王府文駟列乎
翠廐乃有乘輿赭白特稟逸異之姿妙簡帝心用錫聖阜服

御順志馳驟合度齒歷雖衰而藝美不忒襲養兼年恩隱周
渥歲老氣殫斃于內棧少盡其力有側上仁乃詔陪侍奉述
中旨末臣庸蔽敢同獻賦其辭曰

維宋二十有二載盛烈光乎重業武義粵其肅陳文教迄已
優洽泰階之平可升興王之軌可接訪國美於舊史考方載
於往牒昔帝軒陟位飛黃服阜后唐膺錄赤文候日漢道亨
而天驥呈才魏德懋而澤馬效質伊逸倫之妙足自前代而
間出並榮光於瑞典登郊歌乎司律所以崇備威神扶護警
蹕是用精曜叶從靈物咸秩暨明命之初基罄九區而率順
有肆險以稟朔或踰遠而納賚聞王會之阜昌知函夏之克
物總六服以收賢掩七戎而得駿蓋乘風之淑類實先景之

洪胤故能代駿象輿歷配鈎陳齒筭延長聲價隆振信聖祖
之蕃錫畱皇情而驟進徒觀其附筋樹骨垂梢植髮雙瞳夾
鏡兩權協月異體峰生殊相逸發超據絕夫塵轍驅驚迅於
滅沒簡偉塞門獻狀絳闕且刷幽燕晝秣荆越教敬不易之
典訓人必書之舉惟帝惟祖爰遊爰豫飛輶軒以戒道環設
騎而清路勒五營使案部聲八鑿以節步具服金組兼飾丹
雘寶鉞星纏鏤章霞布進迫速迺却屬輦輅欵聳摧以鴻驚
時濩畧而龍翥弭雄姿以奉引婉柔心而待御至於露滋月
肅霜戾秋登王于興言闡肄威稜臨廣望坐百層料武藝品
驍騰流藻周施和鈐重設睨影高鳴將超中折分馳迥塲角
壯永埒別葦越羣絢練夔絕捷趨夫之敏手促華鼓之繁節

經玄蹄而電散。歷素支而冰裂。膺門沫楮。汗溝走血。跪迹迴唐。畜怒未洩。乾心降而微怡。都人仰而朋悅。妍變之態。既畢。凌遠之氣。方屬。跼鑣轡之牽制。隘通都之圈束。眷西極而驤首。望朔雲而蹠足。將使紫鸞駢衡。綠虵衛轂。織驪接趾。秀駢齊。丁觀王母於崑崙。夏帝臺於宣嶽。跨中州之轍迹。窮神行之軌。躅然而盤于遊畋。作鏡前王。肆於人上。取悔義方。天子乃輟駕。迴慮息。徒解裝鑿。武穆憲文光。振民隱。修國章。戒出豕之敗。御惕飛鳥之時。衡故祗慎乎所常。忽敬備乎所未防。輿有重輪之安。馬無泛駕之佚。處以濯龍之奧。委以紅粟之秩。服養知仁。從老得卒。加弊帷。收什貨。天情周皇。恩畢亂日。惟德動天。神物儀兮。於時駟駿充階。街兮。稟靈月駟。祖雲增兮。雄志侖儻。精權奇兮。既剛且淑。服鞮羈兮。効足中黃。狗驅馳兮。願終惠養。蔭本枝兮。竟先朝露。長委離兮。

舞鶴賦

鮑照

散幽經以驗物。俾胎化之仙禽。鍾浮曠之藻質。抱清迥之明心。指蓬壺而翻翰。望崑閬而揚音。巾日域以迴驚。窮天步而高尋。踐神區其既遠。積靈祀而方多。精含丹而星躔。頂凝紫而煙華。引貪吭之纖婉。頓脩趾之洪姱。疊霜毛而弄影。振玉羽而臨霞。朝戲於芝田。夕飲乎瑤池。厭江海而遊澤。掩雲羅而見羈。去帝鄉之岑寂。歸人寰之喧卑。歲崢嶸而愁暮。心惆悵而哀離。於是窮陰殺節。急景凋年。涼沙振野。箕風動天。嚴嚴苦霧。皎皎悲泉。冰塞長河。雪滿羣山。既而氛昏夜歇。景物

澄廓星翻漢迴曉月將落感寒雞之早晨憐霜雁之遠漠臨
驚風之蕭條對流光之照灼吸清響於丹墀舞飛容於金閣
始連軒以鳳踏終宛轉而龍躍躑躅徘徊振迅騰摧驚身蓬
集矯翅雲飛離網別赴合緒相依將與中止若往而歸颯杳
矜顧遙延遲暮逸翮後塵翽翽先路指會規翔臨岐矩步態
有遺妍貌無停趣奔機運節角昧分形長揚緩鷺並翼連聲
輕迹凌亂浮影交橫衆變繁姿參差游密煙交霧凝若無毛
質風去雨還不可談悉既散蒐而盪目迷不知其所之忽星
離而雲罷整神容而自持仰天居之崇絕更惆悵以驚思當
是時也燕姬色沮巴童心耻巾拂兩停九劔雙止雖邯鄲其
敢倫豈陽阿之能擬入衛國而乘軒出吳都而傾市守馴養
於千齡結長悲於萬里

幽通賦

班固

系高頊之玄胄兮氏中葉之炳靈飄凱風而蟬蛻兮雄朔野
以颺聲皇十紀而鴻漸兮有羽儀於上京巨滔天而泯夏兮
考遺愍以行譏終保已而貽則兮里上仁之所廬懿前烈之
純淑兮窮與達其必濟咨孤蒙之眇眇兮將圯絕而罔階豈
余身之足殉兮違世業之可懷靖潛處以永思兮經日月而
彌遠匪黨人之敢捨兮庶斯言之不玷蒐芴芴與神交兮精
誠發於宵寐夢登山而迥眺兮覩幽人之髣髴攬葛藟而授
余兮眷峻谷日勿墜物明寤而仰思兮心矇矇猶未察黃神
邈而靡質兮儀遺讖以臆對日乘高而選神兮道遐通而不

迷葛絲絲於樛木兮詠南風以爲綏蓋惴惴之臨深兮乃二
雅之所祗既訊爾以吉象兮又申之以爛戒蓋孟晉以迨羣
兮辰儵忽其不再承靈訓其虛徐兮佇盤桓而且俟惟天地
之無窮兮鮮生民之晦在紛屯遭與蹇連兮何艱多而知寡
上聖迄而後拔兮豈羣黎之所御昔衛叔之御昆兮昆爲寇
而喪予管彎弧欲斃讐兮讐作后而成已變化故而相詭兮
孰云預其終始雍造怨而先賞兮丁繇惠而被戮栗取弔于
道吉兮玉膺慶於所履叛迴穴其若茲兮北叟頗識其倚伏
單治裏而外凋兮張修禲而內逼聿中餘爲庶幾兮顏與冉
又不得溺招路以從已兮謂孔氏猶未可安悒悒不能兮卒
隕身乎世禍遊聖門而靡救兮雖覆醢其何補固行行其必

凶兮免盜亂爲賴道形氣發於根抵兮柯葉彙而零茂恐魍
魎之責景兮羗未得其云已黎淳耀於高辛兮辛彊大於南
汜羸取威於百儀兮姜本支乎三趾既仁得其信然兮仰天
路而同軌東鄰虐而殲仁兮王合位乎三五戎女烈而喪孝
兮伯徂歸於龍虎發還師以成命兮重醉行而自糶震鱗鱗
於夏庭兮匪三正而滅姬巽羽化乎宣宮兮彌五辟而成災
道脩長而世短兮覆冥默而不周胥仍物而鬼諷兮乃窮宙
而達幽媯巢姜於孺筮兮且筭祀於契龜宣曹興敗於下夢
兮魯衛名謚於銘誥妣聆呱而劾石兮許相理而鞠條道混
成而自然兮術同原而分流神先心以定命兮命隨行以消
息幹流遷其不濟兮故遭罹而羸縮三爻同於一體兮雖移

易而不忒洞參差其紛錯兮斯衆兆之所惑周賈盪而貢憤
兮齊死生與禍福抗爽言以矯情兮信畏犧而忌鵬所貴聖
人至論兮順天性而斷誼物有欲而不居兮亦有惡而不避
守孔約而不貳兮乃輔德而無累三仁殊於一致兮夷惠舛
而齊聲木偃息以蕃魏兮申重繭以存荆紀楚躬以衛上兮
皓願志而弗傾侯草木之區別兮苟能實其必榮要歿世而
不朽兮乃先民之所程觀天網之紘覆兮實斐謨而相訓謨
先聖之大猷兮亦鄰德而助信虞韶美而儀鳳兮孔忘味於
千載素文信而底麟兮漢賓祚于異代精通靈而感物兮神
動氣而入微養流睇而猿號兮李虎發而石開非精誠其焉
通兮苟無實其孰信操末技猶必然兮矧耽躬於道真登孔

昊而上下兮緯羣龍之所經朝貞觀而夕化兮猶誼已而遺
形若胤彭而借老兮訴來哲而通情亂曰天造草昧立性命
兮復心弘道惟聖賢兮渾元運物流不處兮保身遺名民之
表兮舍生取誼亦道用兮憂傷天物忝莫痛兮皓爾太素曷
渝色兮尚越其幾淪神域兮

思玄賦

張衡

仰先哲之玄訓兮雖彌高而弗違匪仁里其焉宅兮匪義跡
其焉追潛服膺以永靖兮緜日月而不衰伊中情之信脩兮
慕古人之貞節竦余身而順止兮遵繩墨而不跌志搏搏以
應懸兮誠心固其如結旌性行以製珮兮佩夜光與瓊枝繡
幽蘭之秋華兮又綴之以江蘼美襞積以酷烈兮允塵邈而

難虧既姱麗而鮮雙兮非是時之攸珍奮余榮而莫見兮播
余香而莫聞幽獨守此側陋兮敢怠違而舍勤幸一八之選
虞兮嘉傳說之生殷尚良之遺風兮恫後辰而無及何孤
行之莞莞兮子不羣而介立感鸞鷲之特棲兮悲淑人之希
合彼無合其何傷兮患衆偽之冒真且獲譴于羣弟兮啓金
滕而後信覽蒸民之多僻兮畏立辟以危身曾煩毒以迷惑
兮嗟孰可以爲言已私湛憂而深懷兮思續紛而不理願竭
力以守義兮雖貧窮而不改執雕虎而試象兮沾焦原而跟
止庶斯奉趾以周旋兮要既死而後已俗遷渝而事化兮泯
規矩之圓方寶蕭艾於重笥兮謂蕙芷之不香斥西施而弗
御兮繫驟裏以服箱行頗僻而獲志兮循法度而離殃惟天

地之無窮兮何遭遇之無常不抑揀而苟容兮譬臨河而無
航欲巧笑以干媚兮非余心之所嘗襲溫恭之黻衣兮被禮
義之繡裳辨貞亮以爲鑿兮雜伎藝以爲珩昭綵藻以瑤琮
兮璜聲遠而彌長淹棲遲以恣欲兮曜靈忽其西藏恃已知
而華予兮鸚鳩鳴而不芳冀一年之三秀兮適白露之爲霜
時疊疊而代序兮疇可與乎比伉各妬媿之難並兮想依韓
以流亡恐漸冉而無成兮畱則蔽而不彰心猶豫而狐疑兮
卽岐趾而臚情文君爲我端著兮利肥遜以保名歷衆山以
周流兮翼迅風以揚聲一女感於崇嶽兮或冰折而不營天
蓋高而爲澤兮誰云路之不平勗自彊而不息兮蹈卞階之
嶢嶢懼筮氏之長短兮鑽東龜以觀禎遇九臯之介鳥兮怨

素意之不呈遊塵外而警天兮據冥翳而哀鳴鵙鷓競於倉
葵兮我修潔以益榮子有故於玄鳥兮歸母氏而後寧占既
吉而無悔兮簡元辰而俶裝且余沐於清源兮晞余髮於朝
陽漱飛泉之漉液兮咀石菌之流英翺鳥舉而魚躍兮將往
走乎八荒過少皞之窮野兮問三丘于句芒何道真之淳粹
兮去穢累而影輕登蓬萊而容與兮鼇雖扑而不傾畱瀛洲
而採芝兮聊且以乎長生憑歸雲而遐逝兮夕余宿乎扶桑
飲青岑之玉醴兮餐沆瀣以爲糧發昔夢於木禾兮穀崑崙
之高岡朝吾行於陽谷兮從伯禹乎稽山嘉羣神之執玉兮
疾防風之食言指長沙以邪徑兮存重華乎南鄰哀一妃之
未從兮翩纒處彼湘濱流日眺夫衡阿兮覩有黎之圯墳痛

火正之無懷兮託山坡以孤蒐愁鬱鬱以慕遠兮越卬州而
遊遨躋日中于昆吾兮憇炎火之所陶揚芒熛而絳天兮水
泫泫而涌濤溫風翕其增熱兮怒鬱悒其難聊顛羈旅而無
友兮余安能乎留茲顧金天而歎息兮吾欲往乎西嬉前祝
融而使舉麾兮纒朱鳥以承旗躔建木於廣都兮撫若華而
躡踏超軒轅於西海兮跨汪氏之龍魚聞此國之千歲兮曾
焉足以娛余思九土之殊風兮從蓐收而遂徂歛神化而蟬
蛻兮朋精粹而爲徒蹶白門而東馳兮云台行乎中野亂弱
水之潺湲兮逗華陰之滄渚號馮夷俾清津兮摧龍舟以濟
予會帝軒之未歸兮悵倘佯而延佇泗河林之蓊蓊兮偉關
雎之戒女黃靈詹而訪命兮穆天道其焉如日近信而遠疑

今六籍闕而不書神達昧其難覆兮疇克謨而從諸牛哀病
而成虎兮雖逢昆其必噬鼈令殪而尸亡兮取蜀禪而引世
死生錯其不齊兮雖司命其不賙寶號行於代路兮後膺祚
而繁廡王肆侈於漢庭兮卒銜恤而絕緒尉危眉而郎潛兮
逮三葉而遭武董弱冠而司袞兮設王隧而弗處夫吉凶之
相仍兮恒反側而靡所穆届天以悅牛兮豎亂叔而幽主文
斷袪而忌伯兮闔謁賊而寧后通人闇於好惡兮豈昏惑而
能剖羸擿識而成胡兮備諸外而發內或輦賄而違車兮孕
行產而爲對慎竈顯以言天兮占水火而妄誣梁叟患夫黎
丘兮丁厥子而剗刃親所睇而弗識兮矧幽冥之可信無繇
攀以倖已兮思百憂以自疹彼天監之孔明兮用斐忱而祐

仁湯蠲體以禱祈兮蒙旣禱以拯民景三慮以營國兮焚惑
次於他辰魏顥亮以從治兮鬼亢回以斃秦咎繇邁而種德
兮樹德懋于英六桑末寄夫根生兮卉旣凋而已育有無言
而不酬兮又何往而不復盍遠迹以飛聲兮孰謂時之可蓄
仰矯首以遥望兮寬愾惻而無儔逼區中之隘陋兮將北度
而宜游行積冰之皚皚兮清泉汨而不流寒風淒其永至今
拂穹岫之騷騷玄武縮于殼中兮騰蛇蜿而自糾魚矜鱗而
并凌兮鳥登木而失條坐太陰之屏室兮慨含秋而增愁怨
高陽之相寓兮佃顥瑱而宅幽庸織路於四裔兮斯與彼其
何瘳望寒門之絕垠兮縱余絲乎不周迅焱瀟其騰我兮驚
翩飄而不禁越谿囁之洞穴兮漂通川之砾砾經重陰乎寂

寘兮。慾墳羊之深潛。追荒忽於地底兮。軼無形而浮出石
密之間野兮。不識蹊之所由。速燭龍兮。執炬兮。過鍾山而中
休。瞰瑤谿之赤岸兮。弔祖江之見劉。聘王母於銀臺兮。羞玉
芝以療飢。戴勝愁其既歡兮。又謂余之行遲。載太華之玉女
兮。召洛浦之處妃。咸姣麗以盡媚兮。增嫵眼而娥眉舒。眇嬌
之纖腰兮。揚雜錯之袿微。離朱脣而微笑兮。頰的皪以遺光。
獻環珉與琛縞兮。申厥好以玄黃。雖色豔而賂美兮。志浩蕩
而不嘉。雙材悲於不納兮。並詠詩而清歌。歌曰。天地細縵。百
卉含葩。鳴鶴交頸。睢鳩相和。處子懷春。精魂回移。如何淑明
忘我。實多將答賦而不暇兮。爰整駕而亟行。瞻崑崙之巍巍
兮。臨滎河之洋洋。伏靈龜以負坻兮。且螭龍之飛梁。登閼風

之層城兮。構不死而爲林。屑瑤藥以爲糝兮。斟白水以爲漿。
捭巫咸以占夢兮。乃貞吉之元符。滋令德於正中兮。含嘉秀
以爲敷。旣垂穎而顧本兮。亦要思乎故居。安和靜而隨時兮。
姑純懿之所廬。戒庶僚以夙會兮。僉供職而並迓。豐隆軒其
震霆兮。列缺擘其照夜。雲師黶以交集兮。凍雨沛其灑途。羲
璜輿而樹葩兮。擾應龍以服輅。百神森其備從兮。屯騎羅而
星布。振余袂而就車兮。修劔揭以低昂。冠岌岌其映蓋兮。佩
絺纒以輝煌。僕夫儼其正策兮。八乘騰而超驤。氛旌浴以天
旋兮。蜺旌飄以飛颺。撫軫軼而還睨兮。心勺灑其若湯。羨上
都之赫戲兮。何迷故而不忘。左青瑤以捷芝兮。右素威以司
鉦。前長離使拂羽兮。後委水衡乎玄冥。屬箕伯以函風兮。澄

洪恣而爲清。曳雲旗之離離兮。鳴玉鸞之警警。涉清霄而升遐兮。浮璇蒙而上征。紛翼翼以徐戾兮。焱回回其揚靈。叫帝閭使闢扉兮。覲天皇於瓊宮。聆廣樂之九奏兮。展洩洩以彤彤。彫考治亂於律均兮。意建始而思終。惟般逸之無斃兮。懼樂往而哀來。素女撫絃而餘音兮。太容吟曰念哉。旣防溢而靖志兮。迨我暇以翱翔。出紫宮之肅肅兮。集太微之閶闔。命王良掌策駟兮。踰高閣之將將。閉車之幕幕兮。獵青林之芒芒。鸞威弧之拔刺兮。射罅塚之封狼。觀壁壘於北落兮。伐河鼓之磅礴。乘天潢之汎汎兮。浮雲漢之湯湯。倚招搖攝提以低回。剡流兮。察一紀五緯之綢繆。適皇偃蹇天矯。婉連卷兮。雜杏叢頓颺。以方驤。鹹汨膠淚沛以罔象兮。爛熳麗靡。藐以

迭邊。凌驚雷之沆漑兮。弄狂電之淫裔。踰滄鴻於宕冥兮。貫倒景而高厲。廓盪盪其無涯兮。乃今窺乎天外。據開陽而頽眊兮。臨舊鄉之諳諳。悲離居而勞心兮。情悵悵而思歸。竟眷眷而屢顧兮。馬倚輶而徘徊。雖遊娛以愉樂兮。豈愁慕之可懷。出閭闔兮。降天途。乘焱忽兮。馳虛無。雲霧霏兮。繞余輪。風眇眇兮。震余旗。續連翩兮。紛暗曖。儵眩眩兮。反常閭。收疇昔之逸豫兮。卷淫放之遐心。脩初服之娑娑兮。長余佩之參參。文章色以燦爛兮。美紛紜以從風。御六藝之珍駕兮。遊道德之平林。結典籍而爲畧兮。殿儒墨而爲禽。玩陰陽之變化兮。詠雅頌之徽音。嘉會氏之歸耕兮。慕歷改之嶽嶽。葦風夜而不貳兮。固終始之所服。夕惕若厲以省。誓兮。懼余身之未勅。

荀中情之端直兮莫吾知而不忍默無爲以凝志兮與仁義
乎逍遙不出戶而知天下兮何必歷遠以劬勞系曰天長地
遠歲不留俟河之清祗懷憂願得遠渡以自娛上下無常窮
六區超踰騰躍絕世俗飄飄神舉逞所欲天不可階仙夫稀
柏舟悄悄吝不飛松喬高時孰能離結精遠遊使心携廻志
竭來從玄謀獲我所求夫何思

歸田賦

張衡

遊都邑以永久無明畧以佐時徒臨川以羨魚俟河清乎未
期感蔡子之慷慨從唐生以決疑諒天道之微昧追漁父以
同嬉超埃塵以遐逝與世事乎長辭於是仲春令月時和氣
清原隰鬱茂百草滋榮王睢鼓翼倉庚哀鳴交頌頡頏關關

嚶嚶於焉逍遙聊以娛情爾乃龍吟方澤虎嘯山丘仰飛織
繳俯釣長流觸矢而斃貪餌吞鈎落雲間之逸禽懸淵沈之
魴鱮于時曜靈俄景繼以望舒極盤遊之至樂雖日夕而忘
劬感老氏之遺誡將廻駕乎蓬廬彈五絃之妙指詠周孔之
圖書揮翰墨以奮藻陳二皇之軌模苟縱心於域外安知榮
辱之所如

文選卷之三

